

(清)傅澤洪 黎世序 等 主編 鄭元慶 俞正燮 等 纂註

行水金鑑 續行水金鑑

(附分類索引)



(清) 傅澤洪 黎世序等 主編 鄭元慶 俞正燮等 纂輯

行水金鑑 續行水金鑑

(附分類索引)

11

續行水金鑑

(清)

黎世序 潘錫恩 張 井等 主編
俞正燮 董士錫 孫義鈞等 纂輯

卷一至卷七

續行水金鑑者續傅穉君
之書竟黎襄勤未竟之業
也穉君之書鉅細兼賅體
用悉備而於黃淮運載之
尤詳蓋昔之治河祛其害
今且資為濟運之利而全
局樞機則在淮黃交匯誠

使河能順軌東趨淮亦會
流下注斯漕運無阻滯之
慮一治無不治矣自乾隆
中潰決頻聞河身益墊於
是閘淮不出無以收刷滌
之效而河日病淮既不能
暢出勢不能不增高堰以

積湖瀦守五壩以防減洩
適遇風力猛盛危險異常
於是河病而淮亦病河高
則易致倒灌淮閘則專藉
南趨運河兼受二瀆委輸
滿則易溢於是河淮病而
運亦因之夫欲治運必先

淮欲治淮必先河河以海
為歸宿往者海口近而流
行速又得清口全淮盪滌
不虞停墊故河漲非無倒
灌漲消仍復舊觀惟欲避
黃以出淮移交匯於彭家
馬頭而淮力愈弱河淤愈

墊河身亦日愈高故自改
移清口之後而治河之局
為之一變於是康熙以前
之法遂不可以治乾隆嘉
慶年間之河此續書之不
可不亟為纂輯也黎襄勤
從事河干肫肫懇懇深悉

夫時近則形勢未殊事詳則稽核較易援襲往例排比成文於江工附錄如前於永定更增所闕而亦於黃淮運載之特詳則猶是釋君之志歲月不居未及竣事錫與芥航先生覆加

增訂始竟斯役既付剗劂爰志大端語有之曰前事之不忘後事之師覽者尚以時近事詳而加之意焉其於行水之機要所補裨豈淺鮮哉時道光十一年歲次辛卯秋七月涇縣潘

錫恩謹序

續行水金鑑一書經始於黎襄勤為之多年不
克成道光丙戌吾友潘芸閣宗丞以學士觀察淮
揚旋奉副總河之

命始躬督其事汰冗食核程課凡三年而後規模
大定及君以憂歸里復為郵致其書多所增刪逾
年而後粗完可繕寫校勘數過又逾年付剞劂氏
至壬辰十月而後藏事益成書之難如此書迄於
嘉慶庚辰距今十餘年矣湖河之利害又異曩時

則其所當措置經營蓋已非此書之所能盡語有
之窮則變變則通後之視今或亦難株守成法乎
然自康熙乙卯以來八十餘年因革損益之蹟莫
不犁然具備於茲編固得失之林司河者必當資
以考鏡者也宗丞既為之序而余特紀其成書之
歲月俾後有所考云爾

道光壬辰陽月膚施張井謨

續行水金鑑略例

續行水金鑑圖一卷書一百五十六卷前河督宮保
襄勤黎公創稿中間查校檔案咨取圖籍道光十一
年秋校訂書成其與前書相出入者推排爲略例
前書止於康熙六十年四月今續以後事而各書所
載有康熙六十年前事關工程未及備采者依年月
補敘於前與前書相輔

前書圖有古今黃河通塞漢水西漢水濟水五水濟
運洞庭鄱陽太湖鄒城禹王臺諸圖俱無可續今惟
續圖河水淮水江水有工程者其前書有清江浦圖
今入運河圖六衛河圖今入運河圖二而續增者沁

水圖一永定河圖一

前書略例謂河爲四瀆之宗故先紀河運河矯揉造作而爲之故以此終亦意爲軒輊今則永定河有賜名有官守有歲修爲三河之一必當續增一門其編次先後仍首黃河凡入河之水皆附之河旣居淮渠則次淮凡入淮之水及淮北水利皆附之淮與河共渠又分淮爲運故次運河運河自潞南下先納永定河故永定河次之又凡畿南水利河北水利多在運河西岸仍附運河運河經永定河水黃河水淮水次及江水故以江水殿焉條理如是也

前書博采古籍以證各水原委今續編自康熙六十

年以後原屬無庸遠搜而

聖世稽古核今著述日盛其地理水利切實可據者居多仍廣輯各水原委以與前書相輔次以章牘以嘉慶二十五年爲止殿以工程亦嘉慶二十五年官書也年來有大異同者附入夾注否亦略之圖載工程則以現在者爲審其有校舊工淤閉者以圖校書可以知順軌之盛矣

黃河百年來自沁口至楊莊北岸空隄及舊運口閘壩視前書時隄防加密南岸分泄餘漲亦比前書加多至清河移治河南考城移治河北與以漳水之裁魏縣淮水之併虹爲泗州皆關沿革之大者雲梯關

外大隄棄而復守案牘尤詳焉

洪澤湖東岸工程與前書高家堰多屬不同舊日村鎮今無所見由湖面普高之故黃河守北岸者以微山湖荆山橋河駱馬湖防淤也而洪湖於上游分黃助清前後皆同惟泄湖入江之路多方疏浚章牘工程不能不視前書時加密矣

浚河器具前書已詳而木龍之設百年來著有成效其名見宋史陳堯佐傳又河渠志所言馬頭鋸牙木岸似係排椿而云攔約河流則亦木龍也今自黎襄勤概用碎石拋護埽根近又概於工頭工尾築做柴土石壩木龍遂可不用至水底施工則康熙二十六